

Llywodraeth leol

Dogfen frifio

Ebrill 2004

 y comisiwn  
**archwilio**  
yng nghymru

# Rhaglen Cymru ar Gyfer Gwella 2003/2004

Adroddiad Cyfarwyddwr-Cyffredinol y Comisiwn Archwilio  
yng Nghymru

*Mae'r Comisiwn Archwilio yng Nghymru yn gorff annibynol sy'n gyfrifol am sicrhau fod arian cyhoeddus yn cael ei wario'n economaidd, yn effeithiol ac yn effeithlon, er mwyn sicrhau safon uchel o wasanaethau lleol a cenedlaethol i'r cyhoedds. Mae ein gwaith yn cynnwys gwasanaethau llywodraeth leol, tai, iechyd a cyfiawnder troseddol.*

*Fel gwarchodwr annibynol, rydym yn darparu gwybodaeth bwysig ar safon y gwasanaethau cyhoeddus. Fel ysgogwr gwelliant yn y gwasanaethau yma, trwy arolygu, archwilio, ymchwil a dulliau eraill, rydym yn darparu argymhellion ymarferol ac yn rhannu arfer gorau. Fel archwilydd annibynol rydym yn monitor gwariant i sicrhau fod gwasanaethau cyhoeddus yn cynnig gwerth am arian.*

Am wybodaeth pellach ar waith y Comisiwn Archwilio yng Nghymru cysylltwch â:

Clive Grace, Y Comisiwn Archwilio yng Nghymru, Ty Deri, 2-4 Park Grove, Caerdydd CF10 3PA  
Ffôn: 029 20262550

- 1 Ceir tystiolaeth gref o'i flwyddyn gyntaf bod Rhaglen Cymru ar gyfer Gwella (y Rhaglen) yn dechrau hybu newid a gwelliant. Mae Cynlluniau Gwella yn y rhan fwyaf o awdurdodau yn dangos lefel uchel o berchenogaeth ar risgiau a nodwyd gan y Dadansoddiad Awdurdod Cyfan a gyda Cyngorau yn ymrwymedig i ddod o hyd i atebion. Mae'r rhan fwyaf o awdurdodau hefyd yn gwella eu trefniadau rheoli a mesur perfformiad.
- 2 Fodd bynnag, mae llawer i'w wneud eto. Nid yw llawer o awdurdodau wedi datblygu fframweithiau mesur perfformiad effeithiol eto, nac wedi gwella ansawdd data a chyflwyno systemau ar lefel strategol ar gyfer cofnodi perfformiad a chynnydd yn erbyn cynlluniau gweithredu. Mae angen i gyngorau flaenoriaethu eu camau gweithredu a chanolbwyntio ar y risgiau corfforaethol sylweddol a'r hyn a wna fwyaf i wella gwasanaethau yn gyflym. At hynny, er bod risgiau sylweddol eu hunain yn cael eu nodi, nid yw achosion y risgiau yn cael eu nodi'n eglur, ac mae diffyg gwybodaeth perfformiad cadarn a manylion i ategu Cynlluniau Gweithredu yr awdurdodau.
- 3 Roedd saith risg gorfforaethol a nodwyd gan y Dadansoddiad Awdurdod Cyfan ac y cytunwyd arnynt fel rhan o'r broses Asesu Risgiau ar y Cyd yn 2003 yn sefyll allan fel risgiau blaenoriaeth uchel cyffredin ar draws Cymru. Y rhain oedd arweinyddiaeth; capasiti/gallu rheoli; rheolaeth Adnoddau Dynol strategol; cynnwys cwsmeriaid a dinasyddion; mesur perfformiad; partneriaeth/caffael a rheoli prosiectau. Mae nofer o'r rhain yn derbyn sylw pellach trwy'r Astudiaethau Gwella o dan nawdd Bwrdd Gwella Cymru. Dylai'r rhain ddarparu deunydd gwerthfawr ar gyfer awdurdodau unigol ac yn gyffredinol.
- 4 Er bod dadansoddiadau corfforaethol yn gryf mewn nifer o awdurdodau, mae angen ffocws cliriach ar asesiadau gwasanaeth. Yn gyffredinol, dangosodd dadansoddiad o ddangosyddion perfformiad cenedlaethol mewn meysydd gwasanaeth allweddol fwy welliant nag o ddirywiad, er bod rhai awdurdodau yn gwneud yn llawer gwell nag eraill. Ond mae'r camau sylweddol sydd eu hangen er mwyn effeithio ar welliant mewn sawl maes yn debygol o fod angen consensws gwleidyddol lleol a chenedlaethol a pharodrwydd i wneud 'camau o newid'.
- 5 Y risgiau pennaf a fydd yn amharu ar y broses o wella gwasanaethau cyhoeddus yng Nghymru yw arweinyddiaeth a gallu/capasiti'r gweithlu. Nid yw'n syndod ei bod yn ymddangos fel petai cysylltiad cryf rhwng tanberfformiad gwasanaethau a phrinder gallu rheolwyr ac/neu gapasiti staff. Cydnabuwyd hyn ac mae'r Cynulliad wedi ymrwymo i fuddsoddi mewn hyfforddiant a datblygiad rheolwyr. Daw ffynonellau capasiti eraill yn sgîl ewyllys a chonsensws gwleidyddol, ynghyd â strategaethau Adclir a phendant. Ond os yw am arwain gwelliant sylweddol, mae'n rhaid i lywodraeth leol ei hun fanteisio ar fwy o gyfleoedd ar gyfer rhannu arfer da, secondio staff, a datblygu arbenigedd yn y broses o reoli newid.
- 6 Prawf allweddol o'r Rhaglen fydd os mae risgiau gwasanaeth a corfforaethol wedi lleihau yn gyffredinol yn 2004/2005. Byddwn yn cefnogi'r broses trwy asesu 'Siwrne Gwelliant' pob Cyngor, i gael ei ddatblygu hyd at Gorffennaf 2004 ac yna i gael ei rannu gyda'r weinyddiaeth newydd ym mhob awdurdod, ar sail gyfrinachol i ddechrau ac yna i gael ei gyhoeddi ynghyd a Llythyr Archwilio Blynnyddol yr awdurdod yn Rhagfyr 2004.

- 7 Hyd yma, mae'r Rhaglen wedi darparu fframwaith ac ysgogiad i symud pethau i'r cyfeiriad cywir, ond mae cryn dipyn i'w wneud eto. Mae'r Rheolwyr Perthnasau, a benodwyd gan y Comisiwn Archwilio yng Nghymru o dan y Rhaglen, yn cydweithio â chynghorau, ac ar y cyfan mae adborth ar eu rôl wedi bod yn gadarnhaol. Fodd bynnag, mae angen mwy er mwyn cyflawni y lefel uchaf o gydlyniant a chydweithio sydd ei angen rhwng rheoleiddwyr.
- 8 Mae cymhariaeth rhwng y Rhaglen yng Nghymru a CPA yn Lloegr yn allweddol. Cynigir i gomisiynu darn o waith a fydd yn cynnwys cymhariaeth feincodi o CPA a'r Rhaglen, ac effaith y methodolegau priodol ar newid.
- 9 Er bod yr astudiaethau gwella yn casglu'r gwersi a ddysgwyd, y cyfnod ar ôl yr etholiad i fis Mehefin nesaf fydd y cyfnod allweddol lle bydd angen i bob un o'r gweinyddiaethau newydd ddefnyddio canlyniadau eu Asesiadau Risg ar y Cyd i ymglymu eu Siwrneau Gwella er mwyn cryfhau eu adnabyddiaeth a pherchnogaeth o risg eu hunain, ac iweithredu'r gwelliannau sydd eu hangen i hybu'r gwelliannau angenrheidiol. Dylai'r Cyngor Partneriaeth adolygu cynnydd ar ddechrau'r hydref yng ngoleuni'r cylch newydd o Asesiadau Risgiau ar y Cyd a Chynlluniau Gwella'r gweinyddiaethau newydd.
- 10 Mae Llywodraeth Cynulliad Cymru yn gwybod bod angen iddi gysylltu'r Rhaglen yn well â'i pholisïau cenedlaethol fel y nodwyd yn 'Gwell Cymru, Gwell Gwlad'. Mae angen rhaeadru'r polisïau hyn i Gynlluniau Gwella a Strategaethau Cymunedol awdurdodau, ac wedi eu halinio i bolisïau ariannol. Mae angen i'r Cynulliad chwarae rhan fwy blaengar i gynorthwyo awdurdodau i'w galluogi i hybu newid a gwelliannau. Un o brif amcanion polisi'r Cynulliad yw gwella iechyd a lles cymunedau yng Nghymru a chydlynu'r rhyngwyneb rhwng iechyd/llywodraeth leol a diogelu'r cyhoedd yn well. Mae cyfle mawr yng Nghymru i weithredu fframwaith atebolrwydd cyffredin ar draws y sectorau hyn. Gall ymagwedd sy'n seiliedig ar egwyddorion asesiad sefydliad cyfan a hunan-asesiad, wedi ei ddilyn gan yr her o adolygiad allanola'r datblygiad o Siwrne Gwelliant sy'n cynnwys tystiolaeth a safbwynt holl reoleiddwyr y gwasanaethau cyhoeddus ffurfio craidd y fath fframwaith.
- 11 Mae'n rhaid i reoleiddwyr y gwasanaethau cyhoeddus leihau byrdwn rheoleiddio yn unol a darparu y sicrwydd, asesiad a chefnogaeth ar gyfer welliant sydd yn ofynnol gan wasanaethau cyhoeddus a'r rheolaethu cyffredinol yng Nghymru. Mae rhai o'r dewisiadau polisi a fabwysiadwyd mewn modd democrataidd yng Nghymru yn cyfyngu ar y defnydd o rai ysgogwyr newid megis y defnydd o farchnadoedd, tablau cynghrair ac enwi a chodi gwarth. Mae hynny'n rhoi mwy o gyfrifoldeb ar y gwasanaethau cyhoeddus eu hunain i fynd i'r afael â'r broses o newid a gwella, ac mae'n rhoi mwy o gyfrifoldeb ar reoleiddwyr gwasanaethau cyhoeddus i gydlyn eu hymdrechion agenda bolisi arbennig Cymru a sicrhau eu bod yn cyfrannu hyd yr eithaf i welliant mewn gwasanaethau cyhoeddus.

# Argymhellion

---

## Dylai'r Cyngor Partneriaeth:

Nodi llwyddiant cynnar proses Rhaglen Cymru ar gyfer Gwella hyd yma, tra'n cydnabod nad yw'r broses, hyd yma, wedi cyflawni canlyniadau gwirioneddol ar gyfer dinasyddion a defnyddwyr gwasanaeth.

---

Cydnabod bod angen ymdrin â risgiau corfforaethol sylweddol, ac yn arbennig faterion sy'n ymwneud ag arweinyddiaeth (rheolaeth a gwleidyddol), rheoli perfformiad, gwybodaeth perfformiad, caffael, rheoli prosiectau, rheoli adnoddau dynol a rheolaeth ariannol.

---

Pwysu a mesur yn hydref 2004 yng ngoleuni canlyniadau'r Asesiadau Risgiau ar y Cyd a ddiweddarwyd yng Ngwanwyn 2004, y Siwrneau Gwella cyfansawdd a gyflwynir i weinyddiaethau newydd ym mis Mehefin/Gorffennaf 2004, a chynlluniau gweithredu a chynlluniau gwella bob awdurdod.

---

Ceisio caniatâd gan awdurdodau i rannu asesiadau Risgiau ar y Cyd gyda Bwrdd Gwella Cymru.

---

Cydnabod y bydd angen cyfuniad penodol o gymorth a her gan Lywodraeth Cynulliad Cymru a CLILC ar rai awdurdodau yn ogystal â chan reoleiddwyr i'r newidiadau sydd eu hangen os ydynt am oresgyn y cynnwrf a'r gwrthwynebiad anochel. Dylid cydlynu'r camau hyn drwy gyfrwng Bwrdd Gwella Cymru. Mae hyn eisoes yn digwydd mewn 5 awdurdod sydd angen cymorth arbennig.

---

Archwilio cyfleoedd ar gyfer rhannu arfer da yn fwy trylwyr drwy gyfathrebu'n well a chreu mwy o seondiadau, rhwng sefydliadau sector cyhoeddus (a phreifat) ym Mhrydain ynghyd â dysgu wedi ei ffocysu a chymhwyso proses reoli newid, wedi ei chysylltu â PSMI.

---

Cydnabod bod angen strategaeth fuddsoddiad tymor canolig/tymor hwy er mwyn denu recriwtiaid o safon uchel i swyddogaethau a gwasanaethau lle mae prinder rheolwyr a/neu capasiti staff.

---

Cydnabod y dylid atgyfnerthu'r rhan a chwaraeir gan ddinasyddion, cymunedau a chwsmeriaid drwy systemau ar gyfer atebolrwydd a chyflwyno adroddiadau i'r cyhoedd, a darparu gwybodaeth perfformiad gywir a pherthnasol i ddinasyddion. Mae gan yr arolwg 'Lleisiau Lleol' rôl allweddol i'w chwarae o bosibl.

---

Nodi'r angen i fapio a chysylltu effaith rhannau gwahanol y 'mosaic' moderneiddio cyffredinol – mae'r Comisiwn Archwilio yng Nghymru eisoes yn cynnal prosiect a fydd yn cyfrannu at hyn drwy edrych ar y cysylltiadau rhwng gwella, moderneiddio gwleidyddol, craffu, strategaethau cymunedol, rheoli perfformiad ac arloesedd, ond efallai y bydd angen cynnal gwaith ehangach.

---

---

Hybu datblygiad fframwaith atebolrwydd eglur dros y 12 mis nesaf er mwyn gwerthuso gwelliannau o ran risgiau a pherfformiad. Dylid seilio hyn ar ddulliausydd eisoes yn bodoli, gwaith cyfredol ar fesur perfformiad, 'Lleisiau Lleol', a lleihau'r cynllun statudol o bosibl.

---

Nodi'r angen i gasglu'r gwersi a ddysgwyd o'r Rhaglen hyd yma drwy gynnal darn o waith ymchwil ychwanegol.

---

### Dylai awdurdodau lleol yng Nghymru:

Gydnabod bod rheolaeth gorfforaethol yn gweithio orau pan fo'i arweinyddiaeth wleidyddol effeithiol a gwaith arweinyddiaeth sefydliadol/rheoli effeithiol yn cydweitho'n dda, gan atgyfnerthu ymdrechion y naill a'r llall yn eu priod rolau a chyfrifoldebau.

---

Cydnabod bod angen ar fyrder i awdurdodau drosi dadansoddiad ac asesiad yn gamau gweithredu a fydd yn arwain at welliant, ac y bydd angen i gynghorau flaenoriaethu eu camau gweithredu a chanolbwyntio ar risgiau corfforaethol sylweddol a'r hyn a wna fwyaf i wella gwasanaethau yn gyflym.

---

Ystyried sut y gellir ymestyn trefniadau darparu cenedlaethol, rhanbarthol a lleol er mwyn cyflawni effeithiolrwydd gwella gwerth am arian, ar sail fframwaith cenedlaethol sy'n darparu'r consensws a'r ewylllys gwleidyddol angenrheidiol, ynghyd â strategaeth i reoli'r goblygiadau AD.

---

Parhau i atgyfnerthu eu gwybodaeth perfformiad a'u proses o reoli perfformiad a chysylltu'r rhain mewn modd llawer gwell â'r swyddogaethau gweithredol a chraffu, gan gydnabod bod angen i wybodaeth perfformiad gael ei defnyddio llawer gwell i ymdrin â thanberfformiad a chydabod perfformiad da.

---

### Dylai rheoleiddwyr:

Gydlynu eu hymdrechion yn well drwy gyfrwng y Rhaglen ac yn fwy cyffredinol, ac anelu at leihau'r baich rheoleiddio a chynorthwyo cynghorau yn well o ran rhoi newidiadau ar waith.

---

Cydweithio er mwyn creu methodolegau asesu cyfansawdd, ac adroddiad Siwrnai Wella sy'n crynhoi canlyniadau'r holl waith perfformiad, archwilio ac arolygu.

---

Gweithio o fewn fframwaith cenedlaethol yng Nghymru sy'n sicrhau bod gweithgarwch rheoleiddio a gwella wedi ei ganolbwyntio ar y manau lle caiff yr effaith fwyaf (yn arbennig ar ganlyniadau) ac yn fwyaf tebygol o ysgogi gwelliant parhaus, a bod yn gymesur â risgiau.

---

---

Cymryd rhan mewn Fforwm Rheoleiddio Cymru a sefydlwyd o dan nawdd Cynulliad Cenedlaethol Cymru a Llywodraeth Cynulliad Cymru er mwyn hybu cydlynu a datblygu mwy effeithiol rhwng rheoleiddwyr gwasanaethau cyhoeddus yng Nghymru a rheoleiddwyr eraill sy'n gweithredu yng Nghymru.

---

Adolygu ac asesu eu heffeithlonrwydd a'u heffeithiolrwydd eu hunain yn drylwyr, a chymhwyso eu hargymhellion gwella eu hunain ar effeithiolrwydd a gwerth am arian i'w gweithrediadau a'u hymagweddau eu hunain.

---

#### Dylai Llywodraeth Cynulliad Cymru:

Ystyried pa wersi a dulliau o'r Rhaglen y gellir eu cymhwyso'n llwyddiannus i gyrrff GIG ac i faes iechyd a gofal cymdeithasol yn fwy cyffredinol, ac i faes diogelu'r cyhoedd.

---

Ystyried gyda GIG Cymru a chyrrff lechyd archwiliedig p'un a ddylid ymestyn rôl y Rheolwr Perthynas a'r cysyniad Cynllun Rheoliadol sy'n gymwys mewn Llywodraeth Leol i'r maes lechyd a Gofal Cymdeithasol ai peidio.

---

Ystyried p'un a oes angen arweiniad statudol pellach, gan adeiladu ar y gwersi a ddysgwyd o'r Rhaglen hyd yma. Dylai hyn gynnwys materion sy'n ymwneud â phroses, amserlen, methodolegau, cwmpas yr asesiadau risgiau blynyddol, a hefyd p'un a oes angen datblygu'r Asesiad Risgiau ar y Cyd er mwyn sicrhau cysylltiad llawn â blaenoriaethau cenedlaethol, blaenoriaethu priodol, a chysylltiadau llawn rhwng y rheoleiddwyr.

---

Ystyried sut y gallai Bwrdd Gwella Cymru ei hun hyrwyddo'r arweinyddiaeth wella yn genedlaethol.

---

Gwneud cynydd penderfynol gyda lleihau Cynllunio a Phartneriaeth, a chysylltu y broses o gytuno polisi a'r symudiadau tuag at Leihau Cynllunio yn fwy cadarn gyda'r Rhaglen.